

ՀԱՄԱԵՎՐՈՊԱԿԱՆ ՀԱՄԱԺՈՂՈՎ ՎԱՏԻԿԱՆՈՒՄ

Հոկտեմբերի 22-24-ը Վատիկանի Ընտանիքի Քառամայապետական Խորհրդի հրավերով կայացավ միջազգային-միջեկեղեցական համաժողով՝ նվիրված կյանքի և ընտանիքի խնդիրներին:

Վատիկան էից հրավիրված եվրոպական գրեթե քոլոր երկրների օրենսդիր մարմինների ներկայացուցիչներ, ովքեր անդրադարձան ընտանիքի հետ կապված խնդիրներին, միաժամանակ տեղի ունենացան նաև օրենսդրական քննարկումներ:

Համաժողովը նախագահում էր Վատիկանի Ընտանիքի Քառամայապետական Խորհրդի նախագահ կարդինալ Ալֆոնսո Լուպեռլ: Ժողովականներին ողջունեց Վատիկանի պետքարտուղար կարդինալ Անջելո Սոդանոն: Համաժողովի մասնակիցները արժանացան Նորին Սրբություն Հովհաննես-Պողոս Բ Պապի ունկնդրությամբ:

Հանուն Հայ Առաքելական Եկեղեցու, համաժողովին մասնակցեցին ՀՀ Սահմանադրական Դատարանի եւ Գերագույն Հոգևոր Խորհրդի անդամ տիար Ռաֆայել Պապայանը և Ազգային ժողովի պատգամավոր, Մշակույթի, երիտասարդության և սպորտի հարցերի փոխնախարար տիար Արամ Մանուկյանը:

ՄԱՄԼՈ ԴԻՎԱՆ ՄԱՅՐ ԱԹՈՌԻ